



NGANGOU A LOUNDOU NA NZAPA

WATSON GOODMAN
a bongbi tèné ti mbèti so

Gratuit — ti ka pèpé

NGANGOU A LOUNDOU NA NZAPA

“Ngangou A Loundou na Nzapa” a yèké kète mbèti ti averset ti Mbèti ti Nzapa so a bongbi ala na lègué ti atèné ndè ndè. Na bè ti mbi, mbi hinga biani Mbèti ti Nzapa mvèni a lounguela nda ti tène ti Mbèti ti Nzapa ndjoni, a ho ambèni mbèti kouè.

Tèné ti Nzapa a loundou na ndouzou na a ga ti sala na bè ti ajo so nzala a sala ala tèti mbilimbili ti Nzapa. Tonga na jo a changé bè ti lo na lo kè siokpari ti to, lo ma na bè na Seigneur Jésus-Christ biani, fadé Nzapa A mou na jo so tâ’ siriri na tâ’ nguia. Na ngou ti 1937, mbi mvèni mbi ma na bè, na juska la’ so, mbi ngba ti sala bèoko na Seigneur ti mbi. Mbi voro mo ti mou fini ti mo kouè na Lo FADE SO, na ti kamata Jésus tonga na Sauveur na Seigneur ti mo tonga na mo dè mo sala so pèpé. —Watson Goodman (1920-2002)

Ndoyè ti Nzapa

1

aRomain 5:8

Mais Nzapa afa na ani ndoyè ti Lo, tèti tonga na ani dè aouassiokpari, Christ akoui tèti ani.

Jean 13:1

Kodjoni si fête ti Pâque assi, Jésus ahinga l'heure ti Lo ti djia sessé so na ti kiri na Baba aga aouè, na tèti Lo ndoyè ajo ti Lo so ayèké na sessé so, Lo ndoyè ala juska na nda ni.

Apocalypse 1:5

Na aloundou na Jésus-Christ, tâ' Témoin, Kodjo ti loundou na popo ti aouakinda, na Lo so acommandé agbia ti sessé. Lo so

andoyè ani, Lo so alounguela ani na ya siokpari ti ani na lègué ti mèné ti Lo.

Jean 3:16

Tèti Nzapa andoyè sessé so tonga so, Lo mou Melèngué ti Lo guènguélè oko, si jo so ama na bè na Lo alingbi koui pèpé, mais lo yèké na fini ti la' kouè la' kouè.

Jérémie 31:3

Guiriri L'Eternel assi na mbi, Lo tèné, Mbi ndoyè mo na ndoyè ti la' kouè la' kouè, tonga so Mbi ngba ti sala na mo na ndjobè.

Jean 15:13

Tonga na mbèni jo amou fini ti lo tèti andèko ti lo, mbèni ndoyè ti ho ndoyè so ayèké pèpé.

Jésus-Christ A yèké tâ Nzapa

I Timothée 3:16

Jo alingbi kè tènè so pèpé, tènè ti ndaguigui ti lègué ti bata tènè ti Nzapa ayèké kota: Lo si na ya mitèlé na lé ti ajo, Yingo afa na guigui, Lo yèké mbilimbili, A-ange aba Lo, A fa tènè ti Lo na popo ti aGentil, A ma na bè na Lo na sessé so, A kamata Lo na ndouzou na ya gloire.

Matthieu 1:22, 23

Yé so kouè assi, si tènè so Seigneur atèné na lègué ti prophète ni alingbi ga tâ' tènè, Ba, fadé machia amè ngô, na lo dou Melèngué-koli, Na fadé ala di iri ti Lo Emmanuel; so atèné, Nzapa ayèké na ani.

Jean 14:9, 10a

Jésus atèné na lo, Mbi douti na mo la' mingui fadé so, na mo hinga Mbi pèpé, Philippe? Jo so aba mbi, lo ba Baba aouè; na lègué gnè mo tènè, Fa na ani Baba? Mo ma na bè pèpé so Mbi yèké na ya Baba, na Baba ayèké na ya Mbi? . . .

Jean 1:1 na 14

Kodjoni, Tènè ni ayèké, na Tènè ni ayèké na tèlé ti Nzapa, na Tènè ni ayèké Nzapa. . . . Tènè ni aga mi-tèlé, Lo douti na popo ti ani, na Lo sî na grâce na tènè-biani; na ani ba gloire ti Lo, gloire tonga na gloire ti Melèngué ti Baba guènguèlé oko.

Jésus A yèké Melèngué Ti Nzapa

3

Jo so atènè na guigui so Jésus ayèké Melèngué Ti Nzapa, Nzapa adouti na ya jo so, na lo douti na ya Nzapa.

—1 Jean 4:15

aColossien 2:9

Tèti sîngo yé kouè ti Tâ' Nzapa adouti na ya Lo na ya tèle.

Esaïe 9:5

Tèti a dou Melèngué na ani, A mou Melèngué-koli na ani, na fadé ngangou ti commandé ayèké na ndogo ti Lo; fadé a di iri ti Lo—Lo Ti Kpéné, Ouaouango, Nzapa Ti Ngangou, Baba Ti La' Kouè La' Kouè, Makounzi Ti Siriri.

Luc 1:35

Mais ange ni akiri tènè na lo, Fadé Yingo Voulou ajou na ndo

mo, na fadé mo douti na gbè ti ngangou ti Lo Ti Ndouzou Aho Kouè. Tèti tènè so, Lo Ti Ndjonikouè so fadé mo dou Lo, fadé ala di iri ti Lo Melèngué Ti Nzapa.

Matthieu 17:5

Tonga na lo dè ti sala tènè, ba, mbînda so assou mingui aga na ndo ala; na ba, mbèni yanga assala tènè na ya mbînda ni, a tènè, So ayèké Melèngué ti Mbi so Mbi ndoyè Lo, Lo mou nguia na Mbi mingui. I ma Lo.

I sala tènè ti Lo so Baba abata ndè tèti Lo mvèni, na Lo to Lo na sessé so, i tènè Mbi zonga Nzapa? tèti Mbi tènè, Mbi yèké Melèngué Ti Nzapa.

—Jean 10:36

Jésus A fa na ani Lo yèké Jo gnè

Jean 8:23

Na Lo téné na ala, I yèké ti gbè ni, Mbi yèké ti ndouzou. I yèké ti sessé so, Mbi yèké ti sessé so pèpé.

Jean 6:35

Jésus aténé na ala, Mbi yèké Mapa so amou fini. Jo so aga na Mbi, fadé nzala ti kobé assala lo mbèni pèpé, na jo so ama na bè na Mbi, fadé nzala ti ngou assala lo mbèni pèpé.

Jean 10:7

Tonga so Jésus aténé na ala mbèni, Biani, biani, Mbi téné na i, Mbi yèké Yanga ti yangbo ti angassangbaga.

Jean 8:58

Jésus aténé na ala, Biani, biani, Mbi téné na i, kodjoni si a dou Abraham, Mbi Yèké.

Jean 11:25

Jésus aténé na lo, Mbi yèké Loundoungo ti aouakinda, na Mbi yèké Fini. Jo so ama na bè na Mbi, même tonga na lo koui, fadé lo yèké na fini.

Jean 13:13

I iri Mbi Maître na Seigneur, na i téné ndjoni, tèti Mbi yèké tonga so.

Jean 9:5

Tonga na Mbi yèké na sessé so, Mbi yèké Lumière ti sessé so.

Ambèni Miracle so Jésus A sala

5

Matthieu 20:30 na 34

Ba, aouaziba ossé adouti na tèle
ti lègué; tonga na ala ma Jésus
ayèké ho, ala tèné na kongo,
Seigneur, Melèngué Ti David, Mo
sala bë-ndjoni na ani!... Jésus
assala bë-ndjoni na ala, na Lo
ndou' lé ti ala; na fadé fadé ala ba
ndo, na ala tambela na pèko ti Lo.

Matthieu 14:19-21

Lo commandé ajo mingui so ti
douti na ndo ti pélé; Lo kamata
mapa oukou na assoussou ossé so,
Lo ya lé ti Lo na ndouzou, Lo iri
tèné ndjoni da, Lo fa' ya ni, na Lo
mou mapa ni na adisciple, na
adisciple amou na ajo mingui so.

Ala kouè atè kobé alingbi na
nzala ti ala; na ala lo' tanga ti
ndoulou kobé so angba, a sì sakpa
balioko na ndoni ossé. Ala so atè
kobé ayèké akoli koutou oukou,
na a diko aouali na amelèngué da
pèpé.

Luc 5:4-6

Na tonga na Lo fa tèné aouè, Lo
tèné na Simon, Gouè na ndo so
ngou ali, i sa gbanda ti i ti gui
assoussou. Simon akiri tèné, lo
tèné, Maître, ani sa gbanda na bi
so kouè, na ani ouara yé pèpé;
mais tonga na Mo tèné, fadé mbi
sa gbanda ni. Na tonga na ala sala
so, ala gbo assoussou mingui, na
gbanda ti ala ayè ti fa'.

Jésus-Christ A sala yé kouè na Lo yèké na ndo yé kouè

aHébreu 1:2

Nzapa . . . mais, na la' ti nda ni so, Lo sala tèné na ani na ya Melèngué ti Lo, Lo so Nzapa adjia Lo héritier ti yé kouè, na Lo sala sessé kouè na lègué ti Lo nga.

Tèti tèné so, Christ akoui, na Lo kiri na fini, si Lo lingbi ga Seigneur ti aouakinda na ti ajo so ayèké na fini. —aRomain 14:9

Jean 1:3

Lo sala yé kouè, na yé oko ayèké pèpé so Lo sala pèpé.

Koussala ti aBazènguélè 2:36

Tonga so djia ajo ti da' ti Israël kouè ahinga tèné so biani, Jésus

so i fa' Lo na kèké-ti-croix, Nzapa assala si Lo ga Seigneur na Christ.

1 aCorinthien 1:9

Nzapa ayèké Bè-Tâ'-Jo, na A yèké Lo so aïri i ti sala bèoko na Melèngué ti Lo, Jésus-Christ Seigneur ti ani.

aColossien 1:16

Tèti na ya Lo, A crée yé kouè so ayèké na ayayou na so ayèké na ndo sessé, yé so lé aba, na yé so lé aba pèpé, atrône, aguèlé-ti-commandé, akodjo-guèlé-ti-commandé, na ayanga-ti-commandé; A crée yé kouè na lègué ti Lo na tèti Lo.

Jésus-Christ A yèké Jo ti fa' mbanga ti ajo kouè 7

aRomain 14:10

Mais mo, tèti gnè mo fa' mbanga na li ti ita ti mo? Ouala mo, tèti gnè mo kè ita ti mo? Tèti fadé ani kouè alouti na gbèlé nguèndé ti mbanga ti Nzapa.

Matthieu 25:32

Fadé amara kouè abongbi na gbèlé Lo, na Lo kangbi ya ti ala, lèguéoko tonga na berger akangbi popo ti angassangbaga na angassa.

Jean 5:22

Tèti Baba afa' mbanga ti jo oko pèpé, mais Lo djia tèné ti fa'ngo mbanga kouè na ti ti Melèngué aouè.

aRomain 2:16

Na la' ni so Nzapa afa' mbanga ti yé ti lingo ti ajo, na lègué ti Jésus-Christ, alingbi na Tènèndjoni ti mbi.

2 Timothée 4:1

Mbi oua mo na lé ti Nzapa na ti Christ Jésus, Lo so fadé Lo fa' mbanga ti ajo so ayèké na fini na ti aouakinda, na mbi oua mo na lègué ti singo ti Lo, na royaume ti Lo.

Koussala ti aBazènguélè 10:42

Lo commandé ani ti fa tèné na ajo, na ti sala tèné ti témoïn, so Lo yèké Jo so Nzapa aïri Lo na guigui ti ga Juge ti ajo so ayèké na fini na ti aouakinda.

8 Nzapa A sau ajo qui na lègué ti Jésus-Christ

Mbi yèké Yanga ni; tonga na jo ali na ya ni na lègué ti Mbi, fadé lo ouara salut, na lo lingbi gouè na ya ni na si guigui, na fadé lo ouara kobé.

—Jean 10:9

Jean 14:6

Jésus atèné na lo, Mbi yèké Lègué ni, na Tènè-biani na Fini. Mbèni jo aga na Baba pèpé, qui na lègué ti Mbi.

Jean 8:24

Tonga so Mbi tènè na i, fadé i koui na ya siokpari ti i, tèti tonga na i ma na bè pèpé so Mbi yèké Lo, fadé i koui na ya siokpari ti i.

aHébreu 7:25

Tèti tènè so nga, Lo lingbi sau ala biani so aga ndoulou na Nzapa

na lègué ti Lo, tèti Lo ngba na fini la' kouè la' kouè ti sambela tèti ala.

Koussala ti aBazènguèlé 4:12

Na salut ayèké na ya mbèni jo oko pèpé; tèti mbèni iri ayèké na gbè ti yayou pèpé, so ayèké na popo ti ajo, so ani lingbi ouara salut na ni.

aRomain 3:24

Na lègué ti grâce ti Lo, so ayèké matabissi, A diko ala ajo ti mbilimbili, na lègué ti ton' ani na ya Christ Jésus.

Na tèti A sala si Lo lingbi kouè, Lo ga Jo ti mou salut ti la' kouè la' kouè na ala kouè so ama tènè ti Lo.

—aHébreu 5:9

Nzapa A sau ajo gui na lègué ti Jésus-Christ 9

Luc 19:10

Tèti Melèngué Ti Jo aga ti gui
na ti sau yé so aglissa aouè.

1 aCorinthien 1:30

Mais i yèké amelèngué ti Lo na
ya Christ Jésus, Lo so Nzapa
assala si Lo ga ndara na mbili-
mbili ti ani, na ngangou ti bata
ani ndè tèti Lo mvèni, na yé ti ton'
ani.

aColossien 1:12-14

I mou merci na Baba, Lo so
assala si ani lingbi ouara yé ti ani
na ya yé ti héritier ti ajo ti bë-
voulou na ya lumière; Lo so
alounguela ani na gbè ti ngangou
ti bingo, na Lo djia ani na ya
royaume ti Melèngué ti ndoyè ti

Lo; na ya Lo, A ton' ani, na ani
ouara pardon ti siokpari ti ani.

Tite 2:14

Lo so amou Lo mvèni tèti ani, si
Lo ton' ani na ya siokpari kouè,
na Lo soukoula ajo tèti Lo mvèni
si ala ga ajo ti Lo, ajo so ayéké na
nzala ti sala ndjo koussala.

Apocalypse 5:9

Na ala sala fini bia, ala tènè, Mo
lingbi ti kamata mbèti so na ti
lounguela sceau ni, tèti a fa' Mo
uiriri, na Mo vo ajo tèti Nzapa
na mènè ti Mo, na popo ti akété
mara kouè, na ti yanga ndè ndè
kouè, na ti ajo ndè ndè kouè, na ti
amara kouè.

10 Nzapa A ton' ajo gui na lègué ti mèné ti Christ

Tonga so, tèti A diko ani ajo ti mbilimbili fadé so na lègué ti mèné ti Lo, mingui aho, fadé A sau ani na ya ngonjo na lègué ti Lo.

—aRomain 5:9

aEphésien 1:7

Na ya Lo, A ton' ani na lègué ti mèné ti Lo, na ani ouara pardon ti kèngo-ndia ti ani na lègué ti mossoro ti grâce ti Lo.

1 Pierre 1:18, 19

Tèti i hinga, A ton' i na ya tèné sèngué sèngué so akotara ti i afa na i guiriri; A ton' i pèpé na yé so ayèké fouti, yé tonga na argent ouala l'or, mais A ton' i na mèné ti Christ so nguélé ni ayèké ngangou, mèné so ayèké tonga na

mèné ti melèngué ti ngassangba-ga so ayèké ndjoni kouè na sio-yé ayèké na télè ti lo pèpé.

Mais tonga na ani tambela na ya lumière lèguéoko tonga na Lo yèké na ya lumière, ani sala bèoko na popo ti ani, na mèné ti Jésus Melèngué ti Lo assoukoula sio-kpari kouè ti ani. —1 Jean 1:7

aHébreu 9:14

Fadé mèné ti Christ, Lo so Lo mou Lo mvèni na Nzapa na sioyé kète pèpé na lègué ti Yingo ti Lo ti la' kouè la' kouè, alingbi sou-koula yingo-ti-hinga ti ani ndjoni aho pèpé? si i djia koussala so fini ayèké da pèpé, na i sala na Nzapa so ayèké na fini.

Salut a yèké na lègué ti mabè na ya Jésus-Christ 11

aEphésien 2:8, 9

Tèti A sau i na lègué ti grâce aouè, na lègué ti mabè; na yé so ayèké ti i mvèni pèpé, a yèké matabissi ti Nzapa; a yèké ti koussala pèpé, si jo oko alingbi ya iri ti lo mvèni pèpé.

Tonga so, tèti A diko ani ajo ti mbilimbili aouè na lègué ti mabè, ani yèké na siriri na Nzapa na lègué ti Seigneur ti ani Jésus-Christ.
—aRomain 5:1

aGalate 5:6

Tèti na ya Christ Jésus, fa'ngo nganza ayèké sèngué, na fa'ngo nganza pèpé ayèké sèngué; mais mabè so assala na lègué ti ndoyè ayèké tâ' yé.

Tèti yé kouè so Nzapa adou aho sessé so na ngangou, na yé so aho sessé so na ngangou ayèké mabè ti ani.
—1 Jean 5:4

Jean 20:31

Mais a sala tèné ti yé so na ya mbèti, si i lingbi ma na bè so Jésus ayèké Christ, Melèngué Ti Nzapa, na tèti i ma so na bè, i lingbi ouara fini na lègué ti iri ti Lo.

Jean 6:28, 29

Tonga so ala tèné na Lo, A yèké mbanga ti ani ti sala gnè? si ani lingbi sala koussala ti Nzapa. Jésus akiri tèné na ala, Koussala ti Nzapa ayèké ti ma na bè na Lo so Nzapa ato Lo.

Bè-ndjoni ti Nzapa

Psaume 103:11

Lèguéoko tonga na ayayou ayèké yongoro na ndouzou na ndo sessé, Tonga so, ndjobè ti Lo ayèké kota mingui tèti ala so akpè mbito ti Lo.

Psaume 103:17

Mais ndjobè ti L'Eternel ayèké guiriri kodjoni, na la' kouè la' kouè, na ndo ala so akpè mbito ti Lo, Na mbilimbili ti Lo ayèké na ndo amelèngué ti amelèngué ti ala.

Michée 7:18

Mbèni nzapa so alingbi na Mo ayèké na ndo oua? Mo so Mo pardonné sioyé, na Mo diko tèné ti

kèngo-ndia na li ti tanga ti ajo ti hèritier ti Mo pèpé. Lo bata ngo-njo ti Lo la' kouè pèpé tèti ndjobè ayèké yè so anzéré na Lo.

Toto ti Jérémie 3:22, 23

A ouonjé ani pèpé tèti njobè ti L'Eternel, tèti bè-ti-ndoyè ti Lo aouè pèpé. Ala yèké yé ti fini na nda-pelèle kouè; Bè-biani ti Mo ayèké kota.

Tite 3:5

Lo sau ani pèpé na lègué ti koussala ti mbilimbili so ani mvèni assala, mais Lo sau ani na lègué ti bè-ndjoni ti Lo, na lègué ti soukoulango so adou ani mbèni, na lègué ti kiri ti sala ani na fini na lègué ti Yingo Voulou.

Jean 7:37

Na la' ti nda ni, so ayèké kota
la' ti fête ni, Jésus alouti, na Lo
tèné na kongo, Tonga na mbèni jo
ayèké na nzala ti ngou, djia lo ga
na Mbi, lo gno.

Apocalypse 22:17

Yingo na fini-ouali atèné, Ga!
Na jo so ama, djia lo tèné, Ga! Na
jo so ayèké na nzala ti ngou, djia
lo ga; jo so ayè, djia lo gno ngou
so amou fini, djia lo gno sèngué
sèngué.

Esaïe 1:18

L'Eternel atèné, I ga fadé so,
djia ani bongbi ti lèké tèné:
kamême siokpari ti i ayèké tonga

na bingba yé, fadé a voulou tonga
na neige; kamême siokpari ti i
ayèké tonga na bingba yé so
avouko, fadé a voulou tonga na
koua ti ngassangbaga.

Matthieu 11:28

I ga na Mbi, i kouè so i sala
koussala na i yèké na koungba so
anè, na fadé Mbi mou na i lègué ti
ouo tèle.

Esaïe 55:1

Héi, i oko oko kouè so i yèké na
nzala ti ngou, i ga na li-ngou! na i
so i yèké na nguinza pèpé, i ga, i
vo, na i tè! biani, i ga, i vo vin na
dulait, mais na nguinza pèpé,
ouala ti nguélé pèpé.

14 Ajo kouè a yèké amelèngué ti Nzapa pèpé

Ajo alingbi hinga amelèngué ti Nzapa na amelèngué ti djabalo na lègué so: ajo kouè so ayèké sala mbilimbili pèpé na ala yèké ndoyè ita ti ala pèpé ayèké ti Nzapa pèpé.

—1 Jean 3:10

aRomain 8:14, 15

Tèti ajo kouè so Yingo ti Nzapa afa lègué na ala, ala yèké amelèngué ti Nzapa. Tèti i kamata yingo ti mgbà pèpé, si i kiri i douti na mbito; mais i kamata Yingo so assala si i ouara ndo-tamelèngué; na ya Yingo so, ani tèné na kongo, Abba! Baba!

aPhilippien 2:15

Tonga so i lingbi ga ajo so tèné ayèké na li ti i pèpé, ajo ti sala

sioni pèpé, amelèngué ti Nzapa so ayèké na sioyé pèpé na popo ti aouagamè ti kirikiri so atambela kirikiri; i yèké sou na popo ti ala na sessé so tonga na assoungoyé.

2 aCorinthien 6:17, 18

Tèti tèné so, I si guigui na popo ti ala, I douti ndè, Seigneur atèné; I ndou' yé ti sioni oko pèpé, Na fadé Mbi kamata i, Na Mbi ga Baba ti i, Na fadé i yèké amelèngué ti Mbi ti koli na amelèngué ti Mbi ti ouali, Seigneur Ti Ngangou Aho Kouè atèné.

Mais ajo oko oko kouè so akamata Lo na ama na bè na iri ti Lo, Lo mou lègué na ala ti ga amelèngué ti Nzapa. —Jean 1:12

aRomain 13:13, 14

A lingbi ani tambela mbilimbili lèguéoko tonga na ajo atambela na kota la'. I tambela pèpé na lègué ti poumba kirikiri na gongo samba, ouala na lègué ti lango-sioni na yé ti piton, ouala na lègué ti papa na salango bë'; mais i you Seigneur Jésus-Christ, na i bi bë ti i na yé ti mi-tèle pèpé ti sala si nzala ni assi.

Ajo kouè ahinga koussala ti mitélé ayèké so: lango-sioni, sioyé, yé ti piton, sambelango ayanda, tèné ti yolo, kèngo tèle, guingo tèné, salango manda, ngonjo, papa, tèné ti kangbi, tèné ti secte ndè ndè, bë', gnongo samba,

poumba kirikiri, na mbèni yé tonga so. Fadé so mbi oua i tènè ti yé so kouè, lèguéoko tonga na mbi oua i kodjoni; ajo so assala yé so, fadé ala ga ahéritier ti royaume ti Nzapa pèpé. —aGalate 5:19-21

Esaïe 5:11

Voundou aga na ajo so aloundou fadé fadé na nda-pelélè si ala lingbi gno samba; ala so adouti na bi yongoro mingui juska vin assala ala tonga na oua!

Mo ba vin pèpé tonga na a yèké bingba, Tonga na a za na ya kopo, Tonga na sango ni ayèké ndjoni. Na ndani, fadé a tè jo tonga na ngbo', Na a kpo jo tonga na palakongo. —Proverbe 23:31, 32

Bè-biani a lingbi ti sau ajo pèpé

Matthieu 22:37, 38

Jésus aténé na lo, A lingbi mo ndoyè Seigneur Nzapa ti mo na bè ti mo kouè, na âme ti mo kouè, na bibè ti mo kouè. So ayèké kota commandement na commandement ti kodjoni.

Tonga na Jésus ayèké gouè na lègué, mbèni jo akpè ti ga na Lo, na lo koukou na sessé na gbèlé Lo, lo hounda Lo, Maître ndjoni, a lingbi mbi sala gnè ti ouara fini ti la' kouè la' kouè? Jésus aténé na lo, Tèti gnè mo tèné Mbi yèké ndjoni? Jo oko ti ndjoni ayèké pèpé, gui Nzapa oko. Mo hinga commandement: A lingbi mo fa' jo pèpé, A lingbi mo sala lango-

sion pèpé, A lingbi mo sala ndji pèpé, A lingbi mo sala tèné ti témoin ti ouataka pèpé, A lingbi mo sala ndji na lègué ti handa pèpé, A lingbi mo yèkia baba na mama ti mo. Jo so aténé na Lo, Maître, mbi bata yé so kouè, a commencé na la' ti pèndèré ti mbi juska fadé so. Jésus aba lo, Lo ndoyè lo, na Lo tèné na lo, Mo manqué gui yé oko, mo gouè, mo ka yé so ayèké na mo, mo mou nguinza ni na aouanzinga, na fadé mo yèké na mossoro na yayou. Na mo ga mo tambela na pèko ti Mbi. Mais lè ti lo abian tèti tèné so, na lo gouè na voundou, tèti lo yèké na mossoro mingui.

—Marc 10:17-22

aEphésien 5:6

I djia jo oko ahanda i na tèné sèngué pèpé; a yèké tèti yé so si ngonjo ti Nzapa aga na li ti amelèngué so akè tèné.

I hinga pèpé? fadé ajo ti kirikiri aga ahéritier ti royaume ti Nzapa pèpé. I handa tèle ti i pèpé; ajo ti piton, ajo ti sambela ayanda, ajo so assala lango-sioni, ajo so assala yé ti kamela na tèle ti ala na popo ti ala, akoli so assala lango-sioni na mbèni koli, aouandji, na ajo so bè' assala ala, amgba ti samba, aouazonga, na ajo ti gbo yé na ngangou, fadé ajo tonga so aga ahéritier ti royaume ti Nzapa pèpé.

—1 aCorinthien 6:9, 10

Jacques 1:22

Mais i sala yé so Tèné ni afa na i, i ma sèngué pèpé ti handa tèle ti i mvèni.

1 Jean 3:7, 8a

Akèté melèngué, djia jo oko afa lègué ti kirikiri na i pèpé; jo so ayèké sala mbilimbili ayèké mbilimbili, lèguéoko tonga na Lo yèké mbilimbili; jo so ayèké sala siokpari ayèké ti djabalo, tèti djabalo ayèké sala siokpari, lo commencé na la' ti kodjoni....

aGalate 6:3

Tèti tonga na mbèni jo atènè na bè ti lo, lo yèké kota jo, tonga na lo yèké gui jo sèngué, jo so ayèké handa tèle ti lo mvèni.

Fouta ti siokpari a yèké kouï

Jacques 1:15

Na ndani, tonga na nzala so amè ngô aouè, a dou siokpari; na siokpari, tonga na a ga kota aouè, adou kouï.

aRomain 8:6

Tèti bibè ti mi-tèlé ayèké kouï, mais bibè ti Yingo ayèké fini na siriri.

Ezéchiel 18:20

Ame so assala siokpari, fadé a kouï; fadé melèngué ayo sioyé ti baba pèpé, na baba ayo sioyé ti melèngué pèpé; fadé mbilimbili ti jo ti mbilimbili ayèké na li ti lo mvèni, na sioyé ti jo ti sioni ayèké na li ti lo mvèni.

Luc 15:32

Mais a yèké ndjoni ani sala nguia, ani douti na nguia, tèti ita ti mo ti koli so akoui aouè, lo kiri na fini; lo glissa aouè, na a ouara lo.

Proverbe 11:19

Jo so angba na lègué ti mbili-mbili, lo si na fini, Na jo so agouè na lègué ti sioni, lo ouara kouï da.

aRomain 5:12

Tonga so, lèguéoko tonga na siokpari aga na sessé so na lègué ti jo oko, na kouï aga na lègué ti siokpari, tonga so kouï assi na ajo kouè, tèti ajo kouè assala siokpari.

Jean 11:43, 44

Tonga na Lo tèné tonga so aouè, Lo tèné na kongo, Lazare, si guigui! Lo so akoui aouè, lo si guigui, na bongo ti koua' akanga maboko ti lo na guèlé ti lo kouè, na mouchoir akanga lè ti lo. Jésus atèné na ala, I dji lo, i djia lo gouè.

Jean 10:17, 18

Tèti tèné so, Baba andoyè Mbi, tèti Mbi djia fini ti Mbi, si Mbi lingbi kiri ti kamata fini ni. Jo oko alounguela fini so na ti ti Mbi pèpé, mais Mbi djia fini so na bè ti Mbi mvèni. Mbi yèké na ngangou ti djia fini so, na Mbi yèké na ngangou ti kiri ti kamata fini so;

Baba ti Mbi amou commandement so na Mbi.

Apocalypse 1:18

Na Jo So Ayèké Na Fini; Mbi koui aouè, mais mo ba, Mbi yèké na fini tèti la' kouè la' kouè, na Mbi yèké na clé ti koui na clé ti ndo-ti-aouakinda.

Luc 7:14, 15a

Lo gouè ndoulou, Lo ndou' tangué ti koua' ni, na ala so ayo koua' ni alouti. Lo tèné, Pèndéré koli, Mbi tèné na mo, mo loundou! Na lo so akoui aouè aloundou, lo douti, na lo commencé ti sala tèné. . . .

A commandement ti Nzapa

Deutéronome 5:7-21

A lingbi mo yéké na ambèni nzapa ndè pèpé, gui Mbi oko.

A lingbi mo sala mbèni yanda so a lèké na kodè tèti mo mvèni pèpé, ouala mbèni yé so akpa yé ti yayou na ndouzou, ouala a kpa yé ti sessé na gbè yayou, ouala a kpa yé ti ngou na gbè ti sessé; a lingbi mo zoukou télè ti mo na gbèlé yé tonga so pèpé, na mo sambela ala pèpé . . .

A lingbi mo di iri ti L'Eternel Nzapa ti mo sèngué sèngué pèpé; tèti jo so adi iri ti L'Eternel sèngué sèngué, fadé L'Eternel adjia lo ho sèngué pèpé.

A lingbi mo glissa pèpé ti bata' ti sabbat ndè tèti Nzapa, lèguéoko tonga na L'Eternel Nzapa ti mo acommandé mo. A lingbi mo sala koussala la' omana ti sala koussala ti mo kouè . . .

A lingbi mo yékia baba na mama ti mo, lèguéoko tonga na L'Eternel Nzapa ti mo acom-mandé mo . . .

A lingbi mo fa' jo pèpé.

A lingbi mo sala lango-sioni pèpé.

A lingbi mo sala ndji pèpé.

A lingbi mo sala tèné ti témoïn ti ouataka pèpé na li ti jo so ayèké ndoulou na mo.

A lingbi bè' assala mo pèpé tèné

ti ouali ti jo so ayèké ndoulou na mo; a lingbi bè' assala mo pèpé tèné ti da' ti jo so ayèké ndoulou na mo, ouala yaka ti lo, ouala

mgba ti lo ti koli, ouala mgba ti lo ti ouali, ouala bagara ti lo, ouala lélé ti lo, ouala mbèni yé oko pèpé ti jo so ayèké ndoulou na mo.

Mo lingbi hondé na Nzapa pèpé

21

Job 34:21, 22

Tèti lé ti Lo aba lègué ti jo, Lo ba tambela ti guèlé ti lo kouè. Bingo ayèké pèpé, na bingo ti koui ayèké pèpé, Ndo so ajo so assala sioyé alingbi hondé tèle ti ala da.

Psaume 139:8 na 12

Tonga na mbi ma' na yayou, Mo yèké ka. Tonga na mbi lèké tangué ti mbi na ndo-ti-aouakinda, ba, Mo yèké ka...Même

bingo ni ahondé mbi na lé ti Mo pèpé, Mais bi assou tonga na la'. Bingo ayèké tonga na lumière na lé ti Mo.

Jérémie 23:24

L'Eternel atèné, Mbèni jo alingbi hondé tèle ti lo na ndo ti lingo si Mbi lingbi ba lo pèpé? L'Eternel atèné, A yèké Mbi so Mbi sì singo na ya ti yayou na sessé pèpé?

Mbanga ti la' kouè a yèké na ndo ala so a kè Nzapa

Matthieu 13:41, 42

Fadé Melèngué Ti Jo ato a-ange
ti Lo, na fadé ala lounguela na ya
royaume ti Lo yé kouè so assala si
ajo ati', na ala so assala siokpari;
na fadé ala bi ala na four ti oua;
fadé ala toto na ngoulé, na ala tè
pèmbé ti ala ka.

Matthieu 18:8

Tonga na maboko ti mo ouala
guèlé ti mo assala si mo ti', mo fa'
lo, mo bi lo yongoro. A yèké ndjo-
ni mo si na fini na maboko so azin
ouala guèlé so azin, aho ti ngba na
maboko ossé ouala guèlé ossé, si a
bi mo na oua ti la' kouè la' kouè.

2 Pierre 3:7

Mais na lègué ti tènè so, A bata
ayayou na sessé so ayèké fadé so
tèti oua, A bata ala tèti la' ti
fa'ngo mbanga, na la' ti fouti ajo
na ndo-ti-oua, ajo so akè Nzapa.

Psaume 9:18

Fadé ajo ti sioni agouè na ndo-
ti-aouakinda, Même amara kouè
so aglissa Nzapa.

Matthieu 25:46

Na fadé ala so agouè na ya
mbanga ti la' kouè la' kouè; mais
ajo ti mbilimbili agouè na ya fini
ti la' kouè la' kouè.

Koussala ti aBazènguèlé 17:31

Tèti Lo diko la' ni so fadé Lo fa' mbanga ti sessé so mbilimbili na lègué ti Jo so Lo iri Lo na guogui; Lo sala si ajo kouè alingbi hinga tèné so ayèké biani tèti Lo ya Lo na popo ti aouakinda.

2 Pierre 2:9

Tonga so Seigneur ahinga lègué ti dji ajo na ya yé so atara ala, ala so akpè mbito ti Nzapa, na Lo hinga lègué ti bata ajo ti kirikiri na gbè ti mbanga juska na la' ti fa'ngo mbanga.

1 Jean 4:17

Ndoyè alingbi kouè na ya ani, tonga so ani yèké na mbito pèpé

na la' ti fa'ngo mbanga, tèti lèguéoko tonga na Lo yèké, ani yèké tonga so nga na sessé so.

aHébreu 9:27

Na tèti a diko na jo ti koui lègué oko, na pèko ni mbanga aga.

2 aCorinthien 5:10

Tèti a yèké mbanga ti ani kouè ti si na gbèlé nguèndé ti mbanga ti Christ, si ajo oko oko kouè alingbi ouara founta ti yé so ala sala na ya tèle, alingbi na yé so ala sala, tonga na a yèké yé ti ndjoni ouala yé ti sioni.

aRomain 14:12

Tonga so fadé ani oko oko kouè akiri tèné ti ani mvèni na Nzapa.

Grâce ti Jésus-Christ

1 Pierre 5:5b

... tèti Nzapa akè ajo ti kpi-ngba li, mais Lo mou grâce na ajo so ayèké na tâ' bè ti melèngué.

2 aCorinthien 8:9

Tèti i hinga grâce ti Seigneur ti ani Jésus-Christ, kamême Lo yèké na mossoro, Lo ga ouanzinga tèti i, si i lingbi ouara mossoro na lègué ti nzinga ti Lo.

2 aCorinthien 9:15

Merci na Nzapa tèti Matabissi ti Lo so jo alingbi fa nda ni kouè pèpé!

Koussala ti aBazènguélè 4:33

Na abazènguélè afa tèné ti té-moin ti ala ngangou mingui tèné

ti loundoungo ti Seigneur Jésus; na grâce mingui adouti na ndo ala kouè.

aRomain 5:15

Mais matabissi ayèké tonga na kèngo-ndia pèpé. Tèti tonga na ajo mingui akoui mbanga ti kèngo-ndia ti jo oko, grâce ti Nzapa na matabissi so aga na lègué ti grâce ti Jo oko so, Jésus-Christ, aouou mingui aho tèti ajo mingui.

aRomain 9:16

Tonga so yé ni aga na jo pèpé tèti lo yè ouala tèti lo kpè ti ouara, mais a loundou na Nzapa so assala bè-ndjoni.

Koussala ti aBazenguélé 17:30

Tonga so, ngoy so ajo ahinga yé pèpé, Nzapa aba sèngué; mais fadé so Lo commandé ajo kouè na ndo kouè ti changé bè ti ala.

Luc 13:3

Mais tonga na i changé bè ti i pèpé, fadé i kouè i koui lèguéoko tonga na ala.

Koussala ti aBazenguélé 3:19

Tonga so i changé bè ti i, i changé lègué ti i, si Nzapa alingbi mbo' siokpari ti i, na ngoy ti kiri ti ouara ngangou alingbi loundou na gbélé Seigneur ti ga na i.

Koussala ti aBazenguélé 2:38

Pierre atèné na ala, I changé bè ti i, i ajo oko oko kouè, i kamata

baptême na iri ti Jésus-Christ, tonga so Nzapa alingbi pardonné siokpari ti i; na fadé i ouara matabissi ti Yingo Voulou.

2 aCorinthien 7:10

Tèti voundou so aloundou na Nzapa assala si ajo achangé bè ti ala, si ala ouara salut so voundou ayèké da pèpé; mais voundou ti sessé so amou koui.

Matthieu 3:2

Lo tèné, I changé bè ti i, tèti royaume ti yayou ayèké ndoulou.

I bi kèngō-ndia ti i kouè yongoro na tèle ti i, kèngō-ndia so i sala; na i sala fini bè na fini yingo tèti i; i yè ti koui tèti gnè? O ajo ti da' ti Israël. —Ezéchiel 18:31

Pardon ti Siokpari

Ezéchiel 18:21

Mais tonga na jo ti sioni adjia lègué ti lo na siokpari kouè ti lo solo sala, lo bata kpingba-ndia ti Mbi kouè, na lo sala yé so ayèké na lègué ni na ayèké mbilimbili, fadé lo ngba na fini biani, lo koui pèpé.

Apocalypse 3:20

Ba, Mbi louti na yanga ti da', Mbi golo; tonga na mbèni jo ama yanga ti Mbi na lo lounguela yanga ti da' ni, fadé Mbi li na ya ni na lo, Mbi tè kobé na lo, na fadé lo tè na Mbi.

Esaïe 55:7

Djia jo ti sioni akè lègué ti lo, na jo ti kirikiri akè bibè ti lo; djia lo

kiri na L'Eternel, na fadé Lo sala bë-ndjoni na lo; djia lo kiri na Nzapa ti ani, na fadé Lo pardonné lo kouè.

Koussala ti aBazenguélé 5:31

Nzapa aya Lo na ndouzou na koti ti Lo ti ga Makounzi na Sauveur, ti sala si ajo ti Israël achangé bè ti ala, na ala ouara pardon ti siokpari.

Marc 2:5

Tonga na Jésus aba mabè ti ala, Lo tèné na jo ti kobèla, Melèngué, A pardonné siokpari ti mo aouè.

Matthieu 6:14

Tèti tonga na i pardonné siokpari ti ajo, fadé Baba ti i na yayou apardonné i nga.

Tite 2:11, 12

Grâce ti Nzapa so aga na salut tèti ajo kouè assi aouè, a fa lègué na ani ti kè yé so akè Nzapa, na ti kè nzala ti yé ti sessé, si ani bata télè ti ani, na ani sala mbilimbili, na ani bata tèné ti Nzapa na ngoy so.

aColossien 3:2

I djia bè ti i na yé so ayèké na ndouzou; i djia bè ti i pèpé na yé so ayèké na sessé.

1 Jean 2:15, 16

I ndoyè sessé so pèpé, ouala yé so ayèké na sessé so. Tonga na mbèni jo andoyè sessé so, ndoyè ti Baba ayèké na ya lo pèpé; tèti yé kouè so ayèké na sessé so, nzala ti

mi-télè, nzala ti lé, na fandara ti fini, aloundou na Baba pèpé, mais a loundou na sessé so.

I sala bèoko pèpé na koussala ti bingo so alé' pèpé, mais a yèké ndjoni aho, i fa sioni ti ala na guigui. —aEphésien 5:11

Esaïe 1:16

I soukoula, i sala si i voulou; i lounguela sioyé so i sala na gbèlé Mbi; i djia ti sala sioni.

aRomain 12:2

Na i tambela na lègué ti sessé so pèpé, mais i changé lègué ti i na lègué ti bibè ti fini, si i lingbi hinga yé so Nzapa ayè, yé so ayèké ndjoni, yé so alingbi na lé ti Lo, na yé so alingbi kouè.

Douango Mbèni

Ezéchiel 36:26

Fadé Mbi mou fini bè na i nga, na Mbi djia fini yingo na ya i; na fadé Mbi lounguela bè ti téné na ya télè ti i, na Mbi mou na i tâ' bè ti jo.

Tonga na i hinga Lo yèké mbilimbili, a lingbi i hinga nga ajo kouè so ayèké sala mbilimbili, Lo dou ala.

—1 Jean 2:29

2 aCorinthien 5:17

Tonga so, tonga na mbèni jo ayèké na ya Christ, lo yèké crégation ti fini. Yé ti guiriri aho aouè; ba, fini yé assi aouè.

1 Jean 5:18

Ani hinga jo so Nzapa adou lo, lo ngba ti sala siokpari pèpé, mais

Lo so Nzapa adou Lo, Lo bata jo so, na ouato-sioni agbo lo pèpé.

Jean 3:3

Jésus akiri tènè na lo, Biani, biani, Mbi tènè na mo, tonga na A kiri A dou jo mbèni pèpé, lo lingbi ba royaume ti Nzapa pèpé.

1 Pierre 1:23

Tèti A dou i mbèni pèpé na lé' ni so alingbi fouti, mais na lé' ni so alingbi fouti pèpé, na lègué ti Téné ti Nzapa, so ayèké na fini na angba la' kouè la' kouè.

Jean 1:12

Mais ajo oko oko kouè so akamata Lo na ama na bè na iri ti Lo, Lo mou lègué na ala ti ga amelèngué ti Nzapa.

Koui na siokpari — doutingo na fini na ya Christ 29

aEphésien 2:1 na 6

Lo mou fini na i so i koui guiriri na lègué ti kèngo-ndia na lègué ti siokpari ti i... Lo ya ani na ndouzou lèguéoko na Lo, na Lo sala si ani douti lèguéoko na Lo na yayou na ya Christ Jésus.

aColossien 3:1

Tonga so, tonga na A ya i na ndouzou lèguéoko na Christ, i gui yé so ayéké na ndouzou, nə ndo so Christ adouti na koti ti Nzapa.

1 Pierre 2:24

Lo yo siokpari ti ani na télè ti Lo mvèni na kèké, si ani so akoui aouè ti djia siokpari, ani lingbi ngba na fini ti sala mbilimbili. Na lègué ti ka ti Lo, ani ga ndjoni.

Ala so ayéké ti Christ Jésus, ala fa' mi-télè na kèké-ti-croix, na nzala kouè ti mi-télè, na yé so mi-télè ayè. —aGalate 5:24

Kèté pèpé! Ani so ani koui aouè ti djia siokpari, sadé ani ngba ti douti na ya ni tonga na gnè?

... Tonga so i ba i mvèni tonga na ajo so akoui aouè ti djia siokpari, na tonga na ajo so ayéké na fini tèti Nzapa na ya Christ Jésus. —aRomain 6:2 na 11

Na i, so i koui guiriri na lègué ti kèngo-ndia ti i, na i koui na lègué ti mi-télè ti i so a fa' na nganza pèpé, Lo mou fini na i lèguéoko na Lo, na Lo pardonné kèngo-ndia kouè ti ani. —aColossien 2:13

Fini ti la' kouè la' kouè

Tèti jo so alou yé tèti mi-tèlé ti lo mvèni, fadé lo fa' lé'ngo ti mi-tèlé so afouti; mais jo so alou yé tèti Yingo, fadé lo fa' lé'ngo ti Yingo, so atènè fini ti la' kouè la' kouè.

—aGalate 6:8

Jean 3:14, 15

Lèguéoko tonga na Moïse aka-nnga ngbo' na ndouzou na yando guiriri, a lingbi ala kanga Melèngué Ti Jo na ndouzou tonga so nga, si jo so ama na bè na Lo ayèké na fini ti la' kouè la' kouè.

Na so ayèké fini ti la' kouè la' kouè: ti hinga Mo, Mo so gui Mo oko ayèké tâ' Nzapa, na ti hinga Jésus-Christ, Lo so Mo to Lo aouè.

—Jean 17:3

Jean 3:36

Jo so ama na bè na Melèngué ni ayèké na fini ti la' kouè la' kouè; mais lo so ama na bè na Melèngué ni pèpé, fadé lo ba fini pèpé, mais ngonjo ti Nzapa angba na ndo lo.

aRomain 6:23

Tèti founta ti siokpari ayèké koui; mais matabissi ti Nzapa ayèké fini ti la' kouè la' kouè na ya Christ Jésus Seigneur ti ani.

Jean 5:24

Biani, biani, Mbi tèné na i, jo so ama tèné ti Mbi na ama na bè na Lo so ato Mbi, jo so ayèké na fini ti la' kouè la' kouè, na lo si na mbanga pèpé, mais lo ho koui aouè, lo si na fini.

Lègué ti hinga mo yèké na fini ti la' kouè la' kouè

31

Esaïe 32:17

Fadé koussala ti mbilimbili
amou siriri; na founta ti mbilimbili
ayèké ti ouo télè na ti douti na
siriri la' kouè la' kouè.

Na tèti i yèké amelèngué,
Nzapa ato Yingo ti Melèngué ti
Lo na bë ti ani aouè, Lo tèné na
kongo, Abba! Baba! —aGalate 4:6

aRomain 8:16

Yingo mvèni assala tèné ti té-
moin na yingo ti ani, Lo tèné ani
yèké amelèngué ti Nzapa.

Jean 14:21

Jo so ayèké na commandement
ti Mbi, na lo bata commandement
ni, a yèké lo so andoyè Mbi; na jo

so andoyè Mbi, fadè Baba ti Mbi
andoyè lo, na fadè Mbi ndoyè lo,
na fadè Mbi fa Mbi mvèni na lo.

1 Jean 3:18, 19

Akèté melèngué, a lingbi ani
ndoyè na tèné, ouala na mènga
pèpé, mais na koussala na tèné-
biani. Na lègué so ani hinga ani
yèké ti tèné-biani, na ani sala si bë
ti ani adouti ndjoni na gbèlé Lo.

1 Jean 4:13

Lo mou na ani Yingo ti Lo,
tonga so ani hinga ani douti na ya
Lo na Lo douti na ya ani.

Ani hinga ani hinga Lo biani,
gui tonga na ani bata commande-
ment ti Lo. —1 Jean 2:3

32 Christ A mou tâ' nguia na ala so Lo douti na ya bè ti ala

Jean 17:13

Mais fadé so Mbi ga na Mo; na Mbi tèné yé so tonga na Mbi dè na sessé so, si tâ' nguia ti Mbi alingbi sî bè ti ala.

aRomain 14:17

Tèti royaume ti Nzapa ayèké tèné ti tèngo yé na gnongo yé pèpé; mais a yèké mbilimbili na siriri na tâ' nguia na ya Yingo Voulou.

aGalate 2:20

Mbi koui aouè na kèké-ti-croix na Christ; a yèké mbi so mbi dè na fini pèpé, mais Christ adouti na fini na ya mbi; na fini so mbi douti na ni na ya mi-tèlé fadé so, mbi

douti na ni na lègué ti mabè so ayèké na ya Melèngué Ti Nzapa, Lo so andoyè mbi, na Lo mou Lo mvèni na koui tèti mbi.

Esaïe 12:3

Tonga so fadé i to ngou na doungou ti salut na nguia.

Jean 15:11

Mbi tèné tèné so na i, si tâ' nguia ti Mbi alingbi douti na ya i, na si tâ' nguia ti i alingbi sî singo.

Psaume 16:11

Fadé Mo fa na mbi lègué ti fini; Nguia assi singo na gbèlé Mo, Yé so anzéré ayèké na koti ti Mo la' kouè la' kouè.

1 Samuel 12:15

Mais tonga na i ma yanga ti L'Eternel pèpé, na i kè commandement ti Lo, fadé ti ti L'Eternel assala ngangou na i, lèguéoko tonga na Lo sala ngangou na akotara ti i guiriri.

aRomain 6:16

I hinga pèpé? jo so i mou tèle ti i na lo ti ga amgba ti ma yanga ti lo, i yèké amgba ti lo so i ma yanga ti lo; i yèké amgba ti siokpari ti si na koui, ouala i yèké amgba ti mango tèné ti si na mbilimbili.

2 aThessalonicien 1:7-9

Na i so i yèké hou pono, fadé Lo sala si i douti ndjoni lèguéoko na

ani, na la' ni so Seigneur Jésus assi guigui na yayou na a-ange ti ngangou ti Lo na ya mènga-oua, tonga na Lo ga ti founta koula na ajo so ahinga Nzapa pèpé, na ala so akè ti ma Tèné-ndjoni ti Seigneur ti ani Jésus. Fadé ala ouara mbanga na A fouti ala la' kouè la' kouè . . .

Deutéronome 11:26-28a

Ba, la' so mbi djia tèné ti ndjoni na tèné ti zonga na gbèlé i; tèné ti ndjoni, tonga na i ma tèné ti commandement ti L'Eternel Nzapa ti i, so mbi commandé i la' so; na tèné ti zonga, tonga na i ma tèné ti commandement ti L'Eternel Nzapa ti i pèpé . . .

A lingbi mo fa na guigui tèné ti mabè ti mo na ya Christ

aPhilippien 2:11

Na a lingbi mènga oko oko kouè atèné na guigui so Jésus-Christ ayèké Seigneur, tèti gloire ti Nzapa Baba.

Matthieu 10:32, 33

Tonga so jo so assala tèné ti Mbi na guigui na gbèlé ajo, fadé Mbi sala tèné ti lo na guigui nga na gbèlé Baba ti Mbi so ayèké na yayou. Mais jo so abèlé tèné ti Mbi na gbèlé ajo, fadé Mbi bèle tèné ti lo nga na gbèlé Baba ti Mbi so ayèké na yayou.

Tonga na mo tèné na guigui na yanga ti mo so Jèsus ayèké Seigneur, na tonga na mo ma na

bè ti mo so Nzapa aya Lo na popo ti aouakinda, fadé mo ouara salut. Tèti jo ama na bè ti lo ti ga mbilimbili; na lo sala tèné ni na guigui na yanga ti lo ti ouara salut.

—aRomain 10:9, 10

Jo so akè Melèngué, lo yèké na Baba pèpé; lo so afa tèné ti Melèngué na guigui, lo yèké na Baba nga.

—1 Jean 2:23

Tèti jo so ayèké na kamela tèti Mbi na tèti tèné ti Mbi, fadé Melèngué Ti Jo ayèké na kamela tèti jo so, na la' ni so Lo ga na ya gloire ti Lo mvèni, na gloire ti Baba, na gloire ti a-ange ti ndjonikouè.

—Luc 9:26

1 Pierre 5:8

I douti na donji, i sala sinziri!
Ouato ti i djabalo ayèké tambela
tonga na bamara so atoto, na lo
yèké gui jo so lo lingbi tè lo.

Matthieu 4:1 na 10, 11

Tonga so Yingo afa lègué na
Jésus ti gouè na yando si djabalo
alingbi handa Lo.... Tonga so
Jésus aténé na lo, Gouè ka, Satan!
tèti Mbèti ti Nzapa aténé, A li-
ngbi mo sambela Seigneur Nzapa
ti mo, na mo sala gui na Lo oko.
Tonga so djabalo adjia Lo, na ba,
a-ange aga, na ala sala na Lo.

2 aThessalonicien 2:9

Singo ti jo ti kè ndia ayèké na
lègué ti koussala ti Satan, na

lègué ti kota ngangou, na fa ndè
ndè, na yé ti kpéné kouè ti
ouataka.

aEphésien 6:11

I you yé ti bira ti Nzapa kouè, si
i lingbi louti ti kè mayélé ti
djabalo.

Koussala ti aBazènguélè 26:18

Ti lounguela lé ti ala si ala
lingbi djia bingo ti ga na lumière,
na ala si guigui na gbè ti ngangou
ti Satan ti ga na Nzapa. Mbi to
mo si ala so ama na bè na Mbi ali-
ngbi ouara pardon ti siokpari na
yé ti héritier ti ala na popo ti ajo
so Mbi bata ala ndè tèti Mbi
mvèni.

Ho djabalo na ngangou

2 aThessalonicien 2:8

Tonga so fadé jo ti kè ndia assi na lé ti ajo, lo so fadé Seigneur Jésus afa' lo na mbo' ti yanga ti Lo, na Lo fouti lo na souango ti singo ti Lo.

Jacques 4:7, 8a

Tonga so i ma Nzapa, mais i kè djabalo, na fadé lo kpè i. I ga ndoulou na Nzapa, na fadé Lo ga ndoulou na i. . . .

aRomain 8:35 na 37

Fadé jo gnè alingbi kangbi ani na ndoyè ti Christ? pono? ouala yé ti voundou? ouala yé ti ngangou mingui? ouala boma? ouala télè sèngué? ouala yé so ayè

ti fa' jo? ouala épée? . . . Mais, na lègué ti Lo so andoyè ani, ani ho yé so kouè na ngangou.

aHébreu 2:14

Tonga so, tèti amelèngué ayèké ti mèné na mi-télé, Lo mvèni akamata télè tonga so nga, si na lègué ti koui Lo lingbi fouti lo so ayèké na ngangou ti mou koui, so atènè, djabalo.

1 Jean 3:8

Jo so ayèké sala siokpari ayèké ti djabalo, tèti djabalo ayèké sala siokpari, lo commencé na la' ti ko-djoni. A yèké tèti so si Melèngué Ti Nzapa aga ti fouti koussala ti djabalo.

1 Jean 4:20

Tonga na jo atèné, Mbi ndoyè Nzapa, na lo kè ita ti lo, lo yèké ouavèné; tèti lo so andoyè ita ti lo pèpé, lo so lo ba lo aouè, lo lingbi ndoyè Nzapa pèpé, Lo so lo dè lo ba Lo pèpé.

1 aCorinthien 13:1

Tonga na mbi sala tènè na yanga ti ajo ndè ndè na ti a-ange, mais ndoyè ayèké na mbi pèpé, mbi ga guènguéré ouala kpôlo so atoto ngangou.

Jean 13:35

Na lègué so, fadé ajo kouè ahinga i yèké adisciple ti Mbi, tonga na i ndoyè tèle ti i na popo ti i.

aGalate 5:22, 23a

Mais léngo ti Yingo ayèké ndoyè, tâ' nguia, siriri, bè-nzé-pèpé, ndjobè, bè ti sala ndjoyé, bè-biani, tâ' bè ti melèngué, na ngangou ti kanga nzala ti tèle . . .

Jean 21:16

Lo kiri Lo hounda lo lègué ossé ni, Simon melèngué ti Jean, mo ndoyè Mbi? Pierre atèné na Lo, Biani, Seigneur, Mo hinga mbi yè Mo. Jésus atèné na lo, Bata angassangbaga ti Mbi.

1 Jean 3:14

Ani hinga ani si guigui na ya koui aouè na ani si na ya fini, tèti ani ndoyè aita ti ani. Lo so ayèké na ndoyè pèpé, lo ngba na ya koui.

38 Loundoungo ti Jésus na popo ti aouakinda

Tonga na Jésus aloundou aouè na nda-pelèlé na kodjo la' ti semaine, Lo si kodjoni na Marie ti Magdala, lo so Lo touma ayingo sioni mbassambala na ya ti lo guiriri.

—Marc 16:9

Ani hinga, Lo so aya Seigneur Jésus guiriri, fadé Lo ya ani lèguéoko na Jésus, na fadé Lo sala si ani na i assi na gbèlé Lo.

—2 aCorinthien 4:14

Na péko ti la' miombé, adisciple ti Lo ayèké na ya da' mbéni, na Thomas ayèké na ala. Ala kanga yanga ti da' aouè, mais Jésus aga, Lo louti na popo ti ala, Lo tèné, Siriri adouti na ! Tonga so Lo tèné na Thomas, Ye liti ti mo na ba maboko ti Mbi, na yè maboko

ti mo na mo yoro maboko ti mo na katé ti Mbi; mo djia ti dèkité mais mo ma na bè. Thomas akiri tèné na Lo, Seigneur ti mbi, na Nzapa ti mbi!

—Jean 20:26-28

Ani yèké atémoïn ti yé kouè so Lo sala na sessé ti aJuif, na Jérusalem nga; Lo so ala fa' Lo, na ala kanga Lo na ndouzou na kèké. Nzapa aya Lo na ndouzou na la' ota ni, na A mou lègué na Lo ti si na lé ti ajo; Lo si na lé ti ajo kouè pèpé, mais gui na ani, atémoïn so bè ti Nzapa ayè ani kodjoni, ani so ani tè na gno na Lo na péko ti loundoungo ti Lo na popo ti aouakinda.

—Koussala ti aBazènguélè 10:39-41

Jean 5:25 na 28, 29

Biani, biani, Mbi tèné na i,
l'heure ni ayéké ga, na a si aouè
fadé so, l'heure ni so fadé aoua-
kinda ama yanga ti Melèngué Ti
Nzapa, na ala so ama, fadé ala
yèké na fini. . . . Djia bè ti i ado
pèpé, tèné ti yé so; tèti l'heure
ayéké ga so ajo kouè so ayéké na
dou-koua', fadé ala ma yanga ti
Lo, na ala si guigui. Ala so assala
ndjoni, fadé ala loundou ti ouara
fini, na ala so assala sioni, fadé
ala loundou ti ouara mbanga.

I hinga pèpé? ani kouè so a bap-
tisé ani na ya Christ Jésus, a bap-
tisé ani na ya koui ti Lo. Tonga
so a lou ani lèguéoko na Lo, na

lègué ti baptême, na ya koui; tèti
lèguéoko tonga na A ya Christ
na popo ti aouakinda na lègué ti
gloire ti Baba, tonga so a lingbi
ani tambela na fini lègué so amou
fini. Tèti tonga na ani ga oko na
Lo na ya koui so ayéké tonga na
koui ti Lo, fadé ani ga oko na
Lo nga na ya loundoung so ayè-
ké tonga na loundoung ti Lo. . . .
na ani hinga, tèti A ya Christ na
popo ti aouakinda, Lo koui mbèni
pèpé; koui acommandé Lo mbèni
pèpé. —aRomain 6:3-5 na 9

Lo so Nzapa amou Lo tèti
kèngó-ndia ti ani, na A ya Lo na
ndouzou si A diko ani ajo ti mbi-
limbili. —aRomain 4:25

A lingbi ajo ti Nzapa a ga ndjoni-kouè tèti L'Éternel

Luc 1:74, 75

Ti mou lègué na ani, na ti sau
ani na ti ti aouato ti ani, si ani
lingbi sala na Lo na mbito pèpé
Na lègué ti bè-voulou na mbili-
mbili na gbèlé Lo na la' ti ani
kouè.

Tonga so, aïta so mbi ndoyè i
mingui, tèti ani yéké na jéndo so,
djia ani soukoula ani mvèni ti
lounguela sioni kouè ti mi-tèle na
ti yingo; na lègué ti mbito ti
Nzapa, djia ani ga ajo ti bè-voulou
biani. —2 aCorinthien 7:1

Tonga so, tonga na mbèni jo
akangbi na yé so, fadé lo ga ta ti
voro so a bata lo ndè tèti Nzapa,

lo lingbi na koussala ti Mvèni ti
lo, lo lingbi na ndjo koussala
kouè. —2 Timothée 2:21

1 Pierre 1:2

Ala so Nzapa Baba aïri ala na
guigui na lègué ti yé so Lo hinga
uiriri kodjoni, na lègué ti Yingo
so abata i ndè tèti Nzapa, si i ma
yanga ti Jésus-Christ, na A ki
mèné ti Lo na ndo i. Grâce na si-
riri aouou na ndo i.

aEphésien 1:4

Lèguéoko tonga na Lo iri ani na
ya Lo uiriri kodjoni si A sala
guélè ti sessé, si ani ga ndjoni-
kouè, na sioyé kète pèpé, na
gbèlé Lo na ya ndoyè.

A lingbi ajo ti Nzapa a ga ndjoni-kouè tèti L'Eternel

41

Esaïe 35:8

Fadé kota lègué ayèké ka, na a di iri ti lègué so Lègué ti Ndjoni-kouè; fadé ajo so aga sioni alingbi tambela da pèpé; mais lègué so ayèké tèti ajo so A ton' ala; ajo so atambela na lègué so, même tonga na ala yèké aouabouba, ala lingbi glissa lègué ni pèpé.

1 Pierre 1:15

Mais lèguéoko tonga na Lo so aïri i ayèké ndjoni-kouè, i nga, i ga ndjoni-kouè na lègué ti i kouè.

Matthieu 3:11

Biani, mbi baptisé i na ngou tèti i changé bè ti i aouè, mais Lo so

aga na pèko ti mbi, Lo yèké na ngangou aho mbi, na mbi lingbi na Lo pèpé, même ti yo poro ti guèlé ti Lo. Fadé Lo baptisé i na Yingo Voulou na oua.

Tèti tèné so, Jésus nga ahou pono na guigui na pèko ti yangakodro, si Lo lingbi bata ajo ndè tèti Lo mvèni na lègué ti mèné ti Lo mvèni.

—aHébreu 13:12

1 Jean 1:9

Tonga na ani tèné siokpari ti ani na guigui, Lo yèké Bè-Tâ'-Jo, na Jo Ti Mbilimbili, na fadé Lo pardonné siokpari ti ani na Lo soukoula yé ti kirikiri kouè ti ani.

Ajo so a sî na Yingo Voulou

Luc 11:13

Tonga so, tonga na i so i yéké sioni, i hinga lègué ti mou matabissi ti ndjoni na amelèngué ti i, fadé Baba ti i na yayou ayè mingui aho pèpé ti mou Yingo Voulou na ala so ahounda Lo?

Koussala ti aBazènguélè 1:8a

Mais fadé i ouara ngangou tonga na Yingo Voulou aga na ndo i; na fadé i ga atémoïn ti Mbi . . .

Ezéchiel 36:27

Fadé Mbi djia Yingo ti Mbi na ya i, na Mbi sala si i tambela na lègué ti kpingba-ndia ti Mbi, na

fadé i bata kpingba-tèné ti Mbi, na i sala na lègué ni.

aRomain 8:9

Tonga na Yingo ti Nzapa adouti na ya i, i yéké na ya mi-télé pèpé; mais i yéké na ya Yingo. Tonga na jo ayéké na Yingo ti Christ pèpé, jo so ayéké ti Lo pèpé.

Koussala ti aBazènguélè 13:52

Na adisciple assi na tâ' nguia na Yingo Voulou.

Koussala ti aBazènguélè 4:31

Tonga na ala sambela aouè, ndo so ala bongbi da ayingui; ala kouè assi na Yingo Voulou, na ala fa tèné ti Nzapa na mbito pèpé.

Psaume 34:19

L'Eternel ayèké ndoulou na ajo so bè ti ala afa' aouè, Na Lo sau ala so yingo ti ala ayèké na voudou.

Esaïe 66:2

Tèti ti ti Mbi assala yé so kouè si yé so kouè assi tonga so. L'Eternel atèné. Mais tonga na jo ayèké na tâ' bè ti melèngué, na yingo ti lo ayèké na voundou, na tèle ti lo ado tonga na lo ma tèné ti Mbi, fadé lé ti Mbi ayèké na ndo lo.

Apocalypse 21:4

Fadé Lo mbo' ngoulé kouè na lé ti ala, na koui ayèké mbèni pèpé.

Voundou, ouala toto, ouala sana, ayèké mbèni pèpé tèti kodjo yé ni aho aouè.

Psaume 37:3

Djia bè ti mo na L'Eternel, na mo sala ndjoni; Sala kodro na sessé ni, na fadé bè-biani ti Lo aga kobé ti mo.

1 Pierre 4:12, 13

I so mbi ndoyè i mingui, bè ti i ado pèpé tèné ti yé so aga na popo ti i ti tara i tonga na oua, na i ba yé so pèpé tonga na mbèni yé ti kpéné so assala i; mais tonga na i yèké afo Christ na pono ti Lo, i douti na nguia, si na la' ti singo ti gloire ti Lo, i lingbi douti na nguia mingui aho.

Ajéndo tèti aouamabè so yé a tara ala

aHébreu 2:18

Tèti Lo hou pono na ya handa
guiriri, Lo lingbi sala na ala so yé
ahanda ala.

aRomain 16:20

Na fadé Nzapa ti siriri adoro
Satan na gbè ti guélè ti i. Grâce ti
Seigneur ti ani Jésus-Christ
adouti na i!

Psaume 34:20

Yé ti voundou ti jo ti mbilimbili
ayéké mingui; Mais L'Eternel adjie
lo na ya yé so koué.

Esaïe 43:2

Tonga na mo ho na ya ngou,
fadé Mbi yèké na mo; tonga na mo
ho na ya ngou so assoua, fadé

ngou ni amou mo pèpé; tonga na
mo tambela na ya oua, fadé oua ni
azo mo pèpé, na mènga-oua ni
agbi mo pèpé.

aRomain 8:28

Na ani hinga yé koué abongbi ti
sala ndjoni na ajo so andoyé
Nzapa, ala so Lo iri ala na lègué ti
yé so Lo yé.

1 aCorinthien 10:13

Handa ndè assala i pèpé, gui
handà so assala ajo koué; mais
Nzapa ayéké Bè-Tâ'-Jo, fadé Lo
djia handa aho ngangou ti i pèpé;
mais lèguéoko na handa so, fadé
Lo lèké lègué ti si guigui nga, si i
lingbi gbo ngangou.

Ajéndo tèti aouamabè so a ho na ngangou 45

Apocalypse 3:12

Jo so aho na ngangou, fadé Mbi sala si lo ga pilier na ya Temple ti Nzapa ti Mbi, na fadé lo si guigui ka mbèni pèpé; na fadé Mbi sala na ndo lo iri ti Nzapa ti Mbi, na fini iri ti Mbi, na iri ti kodro ti Nzapa ti Mbi, fini Jérusalem so aloundou na yayou na ndo ti Baba ti Mbi, a jou na sessé.

Apocalypse 3:5

Jo so aho na ngangou, fadé lo you voulou bongo tonga so, na Mbi mbo' iri ti lo kété pèpé na mbèti ti iri ti ajo so ayèké na fini; fadé Mbi sala tèné ti iri ti lo na guigui na gbèlé Baba ti Mbi, na gbèlé a-ange ti Lo.

Jo so aho na ngangou, fadé Mbi mou na lo lègué ti douti na Mbi na trône ti Mbi, lèguéoko tonga na Mbi ho na ngangou guiriri, si Mbi douti na Baba ti Mbi na trône ti Lo.

—Apocalypse 3:21

Apocalypse 21:7

Jo so aho na ngangou, fadé yé so aga yé ti héritier ti lo; fadé Mbi yèké Nzapa ti lo, na lo yèké melèngué ti Mbi.

Apocalypse 2:7

Lo so ayèké na mè ti ma, a lingbi lo ma yé so Yingo atènè na a-église. Jo so aho na ngangou, fadé Mbi mou na lo lègué ti té lé' ti kèké so amou fini, so ayèké na Paradis ti Nzapa.

Mbi oua ala so assala mariage aouè, mais a yèké mbi pèpé, a yèké Seigneur so aoua ala, A lingbi ouali adjia koli ti lo pèpé (mais tonga na lo djia koli ti lo, djia lo kamata mbèni koli pèpé, ouala lo lèké tèné ti kiri na koli ti lo); na a lingbi koli adjia ouali ti lo pèpé. —1 aCorinthien 7:10, 11

aRomain 7:2, 3

Tonga na ouali ayèké na koli, ndia akanga lo na koli ti lo tonga na koli ni adè na fini; mais tonga na koli ni akoui, a dji ouali so na ndia ti koli. Tonga so tonga na ouali so akamata mbèni koli, tonga na koli ti lo adè na fini, fadé a di iri ti lo ouali so assala lango-

sioni; mais tonga na koli ti lo akoui, a dji lo na ndia ni, tonga so, même tonga na lo kamata mbèni koli, lo yèké ouali so assala lango-sioni pèpé.

Luc 16:18

Jo so adjia ouali ti lo na lo kamata mbèni ouali, lo sala lango-sioni; na jo so akamata ouali so koli ti lo adjia lo aouè, lo sala lango-sioni.

Matthieu 5:32

Mais Mbi tèné na i, Jo so adjia ouali ti lo, tonga na a yèké tèné ti pitan pèpé, lo sala si ouali ni assala lango-sioni; na jo so akamata ouali so mbèni jo adjia lo aouè, lo sala lango-sioni.

Apocalypse 3:11

Mbi yèké ga fadé. Yé so ayèké na mo, mo gbo ngangou, si mbèni jo akamata couronne ti mo pèpé.

Marc 8:38

Tèti jo so ayèké na kamela tèti Mbi na tèné ti Mbi na popo ti aouagamè so ti piton na ti siokpari, fadé Melèngué Ti Jo ayèké na kamela tèti jo so nga, na la' ni so Lo ga na ya gloire ti Baba ti Lo lèguéoko na a-ange ti ndjoni-kouè.

Matthieu 24:30

Na ndani, fadé fa ti Melèngué Ti Jo assi na yayou; na la' ni ka, fadé amara ti sessé kouè atoto, na fadé ala ba Melèngué Ti Jo aga na

ngangou na gloire mingui na ndo mbinda ti yayou.

Jacques 5:8

I nga, i douti na bè-nzé-pèpé; i sala si bè ti i akpingba, tèti singo ti Seigneur ayèké ndoulou.

Matthieu 24:27

Tèti lèguéoko tonga na gnèkpa assi guigui na mbagué ti est, na jo aba juska na mbagué ti uest, fadé singo ti Melèngué Ti Jo ayèké tonga so.

Jean 14:3

Na tonga na Mbi gouè na Mbi lèké ndo na i, fadé Mbi kiri na fadé Mbi kamata i ti douti na tèle ti Mbi, si na ndo so Mbi yèké da, i lingbi douti ka nga.

Kiringo ti Jésus-Christ

Apocalypse 16:15

(Ba! Mbi yéké ga tonga na ouandji! Nguia ayéké na jo so abata ndo tonga na sinziri, lo bata bongo ti lo si lo tambela na tèle sèngué pèpé, na ajo aba kamela ti lo pèpé.)

Luc 12:40

I bata nga, tèti na l'heure ni so i yéké kou pèpé, fadé Melèngué Ti Jo aga.

Koussala ti aBazènguélè 1:11

Ajo so atèné, I ajo ti Galilée, tèti gnè i louti ti ba ndo na yayou? Jésus so, Lo so A kamata Lo na popo ti i na A gouè na Lo na yayou, fadé Lo kiri lèguéoko tonga na i ba Lo gouè na yayou.

Matthieu 16:27

Tèti fadé Melèngué Ti Jo aga na a-ange ti Lo na ya gloire ti Baba ti Lo; na la' ni ka fadé Lo fount ajo oko oko kouè alingbi na koussala ti ala.

1 Jean 3:2

I so mbi ndoyè i mingui, fadé so ani yéké amelèngué ti Nzapa, na ani dè ani hinga pèpé fadé ani ga tonga na gnè; mais ani hinga, tonga na Lo si, fadé ani ga tonga na Lo, tèti fadé ani ba Lo mvèni biani.

Luc 21:27

Na ndani, fadé ala ba Melèngué Ti Jo aga na ya mbinda, na ngangou na gloire mingui.

Tènè ti Mbèti ti Nzapa

Fadé yayou na sessé aho,
mais tènè ti Mbi aho pèpé.

-Luc 21:33

Mais Jésus akiri tènè na
ala, I gouè kirikiri, tèti i hinga
Mbèti ti Nzapa na ngangou ti
Nzapa pèpé. -Matthieu 22:29

Tèti tènè so a fa na iri ti
Nzapa aga la' oko pèpé na
lègué ti yé so jo ayè, mais ajo
assala tènè so aloundou na
Nzapa tonga na Yingo Voulou
aho na ala. -2 Pierre 1:21

Tènè kouè ti Mbèti ti Nzapa
aloundou na yanga ti Nzapa,
na a yèké ndjoni ti fa nda ti
tènè, ti djingo na jo, ti kiri jo

na lègué ni, na ti fa na jo lègué
ti sala ye mbilimbili.

-2 Timothée 3:16

Mbi bata tènè ti Mo na bè ti
mbi, Si mbi lingbi sala siokpari
pèpé ti ké Mo. -Psaume 119:11

Tènè ti Mo ayèké lampe tèti
guèlé ti mbi, Na lumière tèti
lègué ti mbi. -Psaume 119:105

A lingbi i djia mbèni tènè na
ndo tènè so pèpé so mbi com-
mandé i, na i lounguela mbèni
tènè na ya tènè so pèpé, mais i
bata commandement ti L'Eter-
nel Nzapa ti i so mbi commandé
i. -Deutéronome 4:2

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, IN 46553-0120